

Na osnovu Odluke o izboru najpovoljnijeg ponuđača za nabavku sredstava za zaštitu na radu, maski, rukavica, uniformi za potrebe Javne ustanove „Služba za zapošljavanje Kantona Sarajevo“ Sarajevo, broj: 01-01-1683/21 JN od 04.08.2021. godine, ugovorne strane:

**Javna ustanova „Služba za zapošljavanje Kantona Sarajevo“ Sarajevo, ul. Đoke Mazalića 3, 71000 Sarajevo, koju zastupa v.d. direktorica Edina Ljubuškić, (u daljem tekstu: Kupac), ID broj: 4200304610003**

**i**

**DEFTER d.o.o. Sarajevo, sa sjedištem ul. Gatačka 20, koju zastupa Refik Redžović, direktor, (u daljem tekstu: Prodavac), ID: 4200303990007**

**Zaključuju dana \_\_\_\_\_ 2021. godine**

## **U G O V O R**

**o nabavci sredstava za zaštitu na radu, maski, rukavica, uniformi za potrebe Javne ustanove „Služba za zapošljavanje Kantona Sarajevo“ Sarajevo**

### **Predmet ugovora**

#### **Član 1.**

Predmet ovog Ugovora je nabavka sredstava za zaštitu na radu, maski, rukavica, uniformi za potrebe za potrebe Javne ustanove „Služba za zapošljavanje Kantona Sarajevo“ Sarajevo, a u skladu sa ponudom i okončanom e - aukcijom od 29.07.2021. godine godine, koja je sastavni dio ovog ugovora.

### **Vrijednost ugovora**

#### **Član 2.**

Ukupna cijena robe iz člana 1. ovog ugovora iznosi 14.844,25 KM (slovima: četrnaest hiljada osam stotina četrdeset četiri i 25/100) bez PDV-a.

### **Period važenja Ugovora**

#### **Član 3.**

Ovaj ugovor zaključuje se najdalje na 1 (jednu) godinu, odnosno do utroška finansijskih sredstava predviđenih za ovu namjenu.

*Ad. Cerić*

## **Rok za isporuku robe**

### **Član 4.**

Prodavac se obavezuje da će ugovorenu robu isporučiti Kupcu u roku do 24 sata od slanja pojedinačne narudžbenice ili zahtjeva. Isporuka robe će se vršiti sukcesivno prema potrebi kupca od datuma zaključenja ovog ugovora.

Kupac se ne obavezuje na nabavku utvrđenih okvirnih količina u cjelosti. Stvarna realizacija zavisi od potreba Kupca i raspoloživih finansijskih sredstava, ali ne može preći utvrđene okvirne količine.

Mjesto isporuke je sjedište Kupca ul. Đoke Mazalića broj 3., Sarajevo.

## **Uslovi i način plaćanja**

### **Član 5.**

Kupac se obavezuje da će ugovorenu cijenu uplatiti u roku do 30 dana od dana prijema fakture. Plaćanje će se izvršiti na žiro račun Prodavca broj: 186-182-03100377-35 otvoren kod Ziraat Bank BH. Ukupna plaćanja prodavcu bez PDV-a u skladu sa sklopljenim ugovorom ne smiju prelaziti predviđene okvirne količine.

## **Garancija za uredno izvršenje ugovora**

### **Član 6.**

Prodavac je dužan dostaviti garanciju za uredno izvršenje ugovora, u obliku bezuvjetne bankarske garancije, u iznosu od 10% vrijednosti ugovora.

Garancija za uredno izvršenje ugovora se predaje u roku od 7 (sedam) dana od dana zaključivanja ugovora.

U slučaju da Prodavac ne dostavi garanciju za uredno izvršenje ugovora, zaključeni ugovor smatra se apsolutno ništavim.

## **Kvalitet isporuke robe**

### **Član 7.**

Isporučena roba mora odgovarati kvalitetu koji je definisan u ponudi, u suprotnom Kupac zadržava pravo raskida ovog Ugovora.

## **Reklamacija isporučene robe**

### **Član 8.**

Reklamaciju na isporučenu robu Kupac može uložiti odmah, a Prodavac je dužan da u roku od 7 radnih dana od dana prijema reklamacije napravi odgovarajuću zamjenu količine i vrste isporučene robe.

U slučaju da Prodavac ne postupi na način kako je to predviđeno u prethodnom stavu ovog člana Kupac zadržava pravo da isporučenu robu nabavi od trećeg lica na račun troška Prodavca.

### Završne odredbe

#### Član 9.

Sve eventualne promjene u vezi sa Ugovorom, ugovorne strane rješavat će sporazumno.

#### Član 10.

Sve eventualne sporove stranke mogu rješavati u postupku medijacije ili u sudskom postupku gdje je nadležan Sud u Sarajevu.

#### Član 11.

Ovaj Ugovor stupa na snagu danom obostranog potpisivanja od strane ovlaštenih lica ugovornih strana.

#### Član 12.

Ovaj ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.


**DEFTER d.o.o. Sarajevo**


Direktor  
  
Refik Redžović



DRUŠTVO ZA PRIZIVODNJU, TRGOVINU I USLUGE  
"DEFTER"  
d.o.o.  
Sarajevo

**JU Služba za zapošljavanje  
Kantona Sarajevo Sarajevo**

v.d. direktorica  
  
Edina Ljubuškić



ЈУ СЛУЖБА ЗА ЗАПОШЉАВАЊЕ  
КАНТОНА САРАЈЕВО  
САРАЈЕВО

Broj: 5740/21

Sarajevo, 24.08.2021

Broj: 09/1-1757/21

Sarajevo, 18.08.2021. god

